

摘藻堂四庫全書薈要

集部

欽定四庫全書薈要卷一萬八千一百七十三

集部

御定全唐詩卷七百六十八

嚴識玄

以下有爵里無世次

嚴識玄魏州刺史後為兵部郎中詩一首

班婕妤

一作嚴武詩

賤妾如桃李君王若歲時秋風一已勁搖落不勝悲  
寂寂蒼苔滿沈沈綠草滋繁華非此日指輦競何辭

何象

何象遜寧令詩一首

賦得御製白朔野陣雲飛

塞日穿痕斷邊鴻背影飛縹緲浮黃屋陰沈護御衣

御製

詩有鑿與臨紫塞朔野陣雲飛之句象遜鑿與臨

紫塞賦朔野陣雲飛詩召對嘉賞授贊善大夫

張震

張震河間人江西採訪使詩一首

宿金河戍

朝發鐵麟驛夕宿金河戍奔波急王程一日千里路但

見容鬢改不知歲華暮悠悠沙漠行王事彌多故

### 丘光庭

丘光庭吳興人國子博士集三卷今存詩七首

### 補新宮

并序  
解

新宮成室也宮室畢乃祭而落之又與羣臣賓客  
燕飲謂之成也 昭二十五年左傳叔孫昭子聘

于宋公享之賦新宮又燕禮升歌鹿鳴下管新宮  
今詩序無此篇蓋孔子返魯之後其詩散逸採之

不得故也三百之篇孔子既已刪定子夏從而序之其序不冠諸篇別為編簡縱其辭尋逸則厥義猶存若南陔白華之類故束皙得以補之惟此新宮則辭義俱失苟非精考難究根源按新者有舊之辭也新作南門新作延廡是也宮者居處燕遊宗廟之總稱也士為城絳以深其宮梁伯溝其公宮居處之宮也楚之章華晉之虎祁燕遊之宮也成三年新宮災禰廟之宮也然則正言新宮居處

之宮也蓋文王作豐之時新建宮室宮室初成而祭之因之以燕賓客謂之為考考成也若宣王斯干考成室之類是也亦謂之落落者以酒澆落之也若楚子成章華之臺願與諸侯落之類是也因比之時時人歌詠其美以成篇章故周公採之為燕享歌焉必知此新宮為文王詩者以燕禮云下管新宮下管者堂下以笙奏詩也鄉飲酒禮云工升而歌鹿鳴四牡皇皇者華歌訖笙入立于堂下

奏南陔白華華黍笙之所奏例皆小雅皆是文王之詩新宮既為下管所奏正與南陔事同故知為文王詩也知非天子詩者以天子之詩非宋公所賦下管所奏故也知非諸侯詩者以諸侯之詩不得入雅當在國風故也知非禰廟詩者以禰廟之詩不可享賓故也知非燕遊之宮詩者以燕遊之宮多不如禮其詩必當規刺規刺之作是為變雅享賓不用變雅故也由此而論則新宮為文王之

詩亦已明矣或問曰文王既非天子又非諸侯為  
何事也答曰周室本為諸侯文王身有聖德當殷  
紂之代三分天下之衆二分歸周而文王猶服事  
紂武王克殷之後謚之曰文追尊為王其詩有風  
焉周召南是也有小雅焉鹿鳴南陔之類是也有  
大雅焉大明棫樸之類是也有頌焉清廟我將之  
類是也四始之中皆有詩者以其國為諸侯身行  
王道薨後追尊故也新宮既為小雅今依其體以



補之云爾

奂奂新宮禮樂其融爾德惟賢爾  
維忠為忠以公斯

筵是同人之醉我與我延賓

第四句  
缺一字

奂奂新宮既奂而輪其固如山其儼如雲其寢斯安

分我既考落以燕羣臣

第六句  
缺三字

奂奂新宮既祭既延我  
鏞予以醉賢有禮無愆我

有斯宮斯宮以安康後萬年

第三句  
缺二字

新宮三章章八句

補茅鴟

并序

解

茅鴟刺食祿而無禮也在位之人有重祿而無禮  
度君子以為茅鴟之不若作詩以刺之 襄二十  
八年左傳齊慶封奔魯叔孫穆子食慶封慶封汜  
祭穆子不說使工為之諷茅鴟杜元凱曰茅鴟之  
詩刺不敬也凡詩先儒所不見者皆謂之逸不分  
其舊亡與刪去也臣以茅鴟非舊亡蓋孔子刪去  
耳何以明之按襄二十八年孔子時年八歲記曰

男子十年出就外傳學書記十有三年學樂習詩  
舞論語曰吾十有五而志於學則慶封奔魯之日  
與孔子就學之年其間相去不遠其詩未至流散  
况周禮盡在魯國孔子賢于叔孫豈叔孫尚得見  
之而孔子反不得見也由此而論茅鴟之作不合  
禮又為依孔子刪去亦已明矣或曰安知新宮不  
為刪去耶答曰新宮為周公所收燕禮所用不與  
茅鴟同也曰茅鴟為風乎為雅乎非雅也風也何

以言之以叔孫大夫所賦多是國風故也今之所  
補亦體風焉

茅鷀茅鷀無集我岡汝食汝飽莫我為祥願彈去汝來  
彼鳳凰來彼鳳凰其儀有章

茅鷀茅鷀無啄我雀汝食汝飽莫我肯略願彈去汝來  
彼瑞鵲來彼瑞鵲其音可樂

茅鷀茅鷀無搏鷄鷄汝食汝飽莫我為休願彈去汝來  
彼鴈鳩來彼鴈鳩食子其周

茅鴟茅鴟無噓我陵汝食汝飽莫我好聲願彈去汝來  
彼蒼鷹來彼蒼鷹祭鳥是徵

茅鴟四章章八句

武翊黃

武翊黃府選為解頭及第為狀頭宏詞為勅頭時號武  
氏三頭詩一首

瑕瑜不相掩

抱璞應難辨妍媸每自融貞姿偏特達微玷遇磨礪涇

渭流終異瑕瑜自不同  
半曾光透石未掩氣如虹  
縝密誠為智包藏豈謂忠  
停看分美惡今得值良工

李祐

李祐江南錄事參軍纂之子詩一首

袁江口懷王司勳王吏部

京華不啻三千里  
客淚如今一萬雙  
若箇最為相憶處  
青楓黃竹入袁江

韓輿

韓嶼祠部郎中詩一首

贈進士李守微

一定童顏老歲華  
貧寒游歷貴人家  
煉成正氣功應大  
養得元神道不差  
烏曳鶴毛乾毳  
杖攜筇節瘦槎  
牙如何蓬閣不歸去  
落盡蟠桃幾度花

李茂復

李茂復泗州刺史詩二首

馬上有見

行盡疎林見小橋  
綠楊深處有紅蕉  
無端眼界無分別  
安置心頭不肯銷

自歎

落日西山近一竿  
世間恩愛極難拚  
近來不作顛狂事  
免被冤家惡眼看

李曜

李曜官尚書嘗為歙州刺史詩一首

贈吳圓

抒情詩曜罷歙州與吳圓交代有酒錄  
事名媚川明慧曜頗留意托圓令存郵



有詩

云

經年理郡少歡娛為習干戈間飲徒今日臨行盡交割  
分明收取媚川珠

吳圓

吳圓歙州刺史詩一首

答李曜

曳履優容日日歡須言達德倍汎濶韶光今已輸先手

領得蟻珠掌上看

韶光營  
籍妓名

陸弘休

陸弘休桂府從事詩一首

和訾家洲宴游

新春藥綬訾家洲信是南方最勝游  
酒滿百分殊不怕  
人添一歲更堪愁  
鶯聲暗逐歌聲艷  
花態還隨舞態羞  
莫惜今朝同酌  
酹任他龜鶴與蜉蝣

安一作鄭錡

安錡普州從事詩一首

題賈島墓

倚恃才難繼昂藏貌不恭騎驢衝大尹奪卷忤宣宗馳  
譽超先輩居官下我儂司倉舊曹署一見一心忡

油蔚

油蔚淮南幕職奉使塞北詩一首

贈別營妓卿卿

憐君無那是多情枕上相看直到明日照綠窗人去住  
鴉啼紅粉淚縱橫愁腸只向金閨斷白髮應從玉塞生

為報花時少惆悵此生終不負卿卿

胡玠

一作  
汾

胡玠隱廬山苦心五言李騰廉問江西弓旌不至人惜  
之詩三首

巢燕

燕來巢我簷我屋非高大所貴兒童善保爾無殃禍莫  
巢孀婦家孀婦怨孤坐妬爾長雙飛打爾危巢破

廬山桑落洲

莫問桑田事但看桑落洲數家新住處昔日大江流古  
岸崩欲盡平沙長未休想應百年後人世更悠悠

石楠樹

本自清江石上生移栽此處

一作地

稱閑情青雲士盡識

珍木白屋人多喚俗名重布綠陰滋蘚色深藏好鳥引  
雛聲余今一日千迴看每度看來眼益明

句

輪中別有物光外更無空

月詠

盧汪

盧汪家荆南舉進士二十上不第詩二首

酒胡子

同心相遇思同歡  
擎出酒胡當玉盤  
盤中餽飢不自定  
四座清賓注意看  
可亦不在心  
否亦不在面  
狗客隨時自圓轉  
酒胡五箴屬他人  
十分亦是無情勸  
爾不耕亦不飢  
爾不蠶亦有衣  
有眼不能分黼黻  
有口不能明是非  
鼻何尖  
眼何碧  
儀形本非天地力  
雕鐫匠意苦多端

翠帽朱衫巧妝飾  
長安斗酒十千酤  
劉伶虛向酒中死  
不得酒池中拍浮  
酒胡一滴不入眼  
空令酒胡名酒胡

西施

惆悵興亡繫綺羅  
世人猶自選青娥  
越王解破夫差國  
一箇西施已是多

胡幽貞

胡幽貞四明人自號無生居士詩二首

題西施浣紗石

一朝入紫宮萬古遺芳塵至今溪邊花不敢嬌青春

歸四明

海色連四明仙舟去容易天籍豈輒問不是卑朝士

秋煥

秋煥字子炎梁公仁傑之後隱於南岳詩三首

送人游邵州

春江正渺渺送別兩依依煙裏櫂將遠渡頭人未歸漁



家侵疊浪島樹挂殘暉况入湖湘路那堪花亂飛

題柳

天南與天北此處影婆娑翠色折不盡離情生更多雨  
餘籠灞岸煙暝夾隋河自有佳名在秦松繼得麼

詠南嶽徑松

一陣雨聲歸嶽嶠兩條寒色下瀟湘客吟晚景停孤櫂  
僧踏清陰徹上方

句

數點當秋霽不知何處峰

石樓曉望

更無聲接續空有影

相隨

孤鴈詩話拾遺

見

韓溉

韓溉江南人詩一卷今存七首

潯陽觀水

一作韓喜詩

朝宗漢水接陽臺  
嗆呀填坑吼作雷  
莫見九江平穩去  
還從三峽嶮巖來  
南經夢澤寬浮日  
西出岷山劣泛杯  
直至滄溟涵貯盡  
沈深不動浸昭回

水

一作韓  
喜詩

方圓不定性空求

一作柔

東注滄溟早晚休高截碧塘長

耿耿遠飛青嶂更悠悠瀟湘月浸千年色夢澤煙含萬  
古愁別有嶺頭嗚咽處為君分作斷腸流

松

倚空高檻冷無塵往事閒徵夢欲分翠色本宜霜後見  
寒聲偏向月中聞啼猿想帶蒼山雨歸鶴應和紫府雲  
莫向東園競桃李春光還是不容君

柳

雪盡青門弄影微  
暖風遲日早鶯歸  
如憑細葉留春色  
須把長條繫落暉  
彭澤有情還鬱鬱  
隋堤無主自依依  
世間惹恨偏饒此  
可是行人折贈稀

竹

樹色連雲萬葉開  
王孫

一作家

不厭滿庭栽  
凌霜盡節無

人見終日虛心待  
鳳來誰許風流添  
興詠自憐瀟灑出

塵埃朱門處處多  
閒地正好移陰覆

一作結

翠苔

鵲

纔見離巢羽翼開  
盡能輕颺出塵埃  
人間樹好紛紛占  
天上橋成草草回  
幾度送風臨玉戶  
一時傳喜到妝臺  
若教顏色如霜雪  
應與清平作瑞來

燈

一作韓  
喜詩

分影由來恨不同  
綠窻孤館兩何窮  
熒煌短焰長疑暗  
零落殘花旋委空  
幾處隔簾愁夜雨  
誰家當戶怯秋風  
莫言明滅無多重  
曾比人生一世中

句

門掩落花人別後  
窗含殘月酒醒時

愁詩見  
吟窗雜錄

金昌緒

金昌緒餘杭人詩一首

春怨

一作伊  
州歌

打却

一作起黃鶯兒  
莫教枝上啼啼時

一作  
幾時

驚妾夢不得

到遼西

曾麻幾

曾麻幾吉州人詩一首

放猿

孤猿鎖檻歲年深  
放出城南百丈林  
綠水任從聯臂飲  
青山不用斷腸吟

御定全唐詩卷七百六十八

欽定四庫全書薈要卷一萬八千一百七十四

集部

御定全唐詩卷七百六十九

鄭軌

詩一首以下無  
世次爵里可考

觀兄弟同夜成婚

棠棣開雙萼天桃照兩花  
分庭含佩響隔扇偶妝華  
迎風俱似雪映綺共如霞  
今宵二神女并在一仙家

劉戩

詩一首

夏彈琴

一作劉希戩詩  
又作劉希夷詩



碧山本岑寂素琴何清幽彈為風入松崖谷颯已秋庭  
鶴舞白雪泉魚躍洪流子欲娛世人明月難暗投感歎  
未終曲淚下不可收嗚呼鍾子期零落歸荒丘死而若  
有知魂兮從我游

楊齊哲

詩一首

過函谷關

地險峻函北途經分陝東逶迤衆山盡荒涼古塞空河  
光流曉日樹影散朝風聖德今無外何處是關中

劉夷道

詩一首

傷死奴

丹籍生涯淺黃泉歸路深不及江陵樹千秋長作林

楊希道

詩五首

侍宴賦得起坐彈鳴琴二首

此下俱互見  
楊師道集

北林鵲夜飛南軒月初進調弦發清徵蕩心祛褊恡變  
作離鴻聲還入思歸引長歎未終極秋風飄素鬢

絲傳園客意曲奏楚妃情罕有知音者空勞流水聲

詠琴

久擅龍門質孤竦嶧陽名齊蛾初發弄趙女正調聲嘉  
客勿遽反繁弦曲未成

詠笙

短長插鳳翼洪細摹鸞音能令楚妃歎復使荆王吟切  
切孤竹管來應雲和琴

詠舞

二八如同雪三春類早花分行向燭轉一種逐風斜

王勣詩三

首

詠妓

此下詩俱互見王績集

妖姬飾靚妝窈窕出蘭房日照當軒影風吹滿路香  
時歌扇薄今日舞衫長不應令曲誤持此試周郎

益州城西張超亭觀妓

落日明歌席行雲逐舞人江前飛暮雨梁上下輕塵冶  
服看疑畫妝臺望似春高車勿遽反長袖欲相親

幸司法宅觀妓

南國佳人至北堂  
羅薦開長裙隨鳳管  
促柱送鸞杯  
雲光身後落雪態  
掌中回到愁金谷  
晚不怪玉山頽

郭恭

詩一首

秋池一枝蓮

秋至皆零落  
凌波獨吐紅  
托根方得所  
未肯即隨風

張烜

詩一首

婕妤怨

賤妾裁紈扇  
初搖明月姿  
君王看舞席  
坐起秋風時  
玉

樹清御路金陳翳垂絲昭陽無分理愁寂任前期

張修之詩一

首

長門怨

一作張  
循之詩

長門落景盡洞房秋月明玉階草露積金屋網塵生妾  
妒今應改君恩昔未平寄語臨邛客何時作賦成

梁獻詩一

首

王昭君

圍畫失天真容華坐誤人君恩不可再妾命在和親淚

點關山月衣銷邊塞塵一聞陽鳥至思絕漢宮春

符子珪

詩一首

芳樹

芳樹宜三月曛曛豔綺年香交珠箔氣陰占綠庭煙小  
葉風吹長繁花露濯鮮遂令穠李兒折取簪花鈿

李何

詩一首

觀妓

向晚小乘遊朝來新上頭從來許長袖未有客難留

鄭縱

詩四首

邯鄲俠少年

夜渡濁河津衣中劍滿身  
兵符劫晉鄙匕首刺秦人  
執事非無膽高堂念有親  
昨緣秦苦趙來往大梁頻

玉階怨

昔日同飛燕今朝似伯勞  
情深爭擲果寵罷怨殘桃  
別殿春心斷長門夜樹高  
雖能不自悔誰見舊衣褒

婕妤怨



南國承歡日東方候曉時那能妒褒姒祇愛笑唐兒寶  
葉隨雲髻珠絲鍛履綦不知飛燕意何事苦相疑

入塞曲

留滯邊庭久歸思歲月賒黃雲同入塞白首獨還家宛  
馬隨秦草胡人問漢花還傷李都尉獨自沒黃沙

紇干著

詩四首

賞殘花

零落多依草芳香散著人低簷一枝在猶占滿堂春

古仙詞

珠幡絳節曉霞中  
漢武清齋待少翁  
不向人間戀春色  
桃花自滿紫陽宮

感春詞

未得鳴珂謁漢宮  
江頭寂寞向春風  
悲歌一曲心應醉  
萬葉千花淚眼中

灞上

鳴鞭晚日禁城東  
渭水晴煙灞岸風  
都傍柳陰回首望

春天樓閣五雲中

李習

詩一首

凌雲寺

古寺臨江間碧波石梯深入白雲窠僧禪寂寂無人跡  
滿地落花春又過

顏舒

詩一首

鳳樓

一作樓怨

佳人名莫愁珠箔上花鈎清鏡鴛鴦匣新妝翡翠樓

衣明月夜吹管白雲秋  
惟恨金吾子年年向隴頭

朱絳

詩一首

春女怨

獨坐紗窗刺繡遲  
紫荊花下轉黃鸝  
欲知無限傷春意  
盡在停針不語時

徐璧

詩一首

失題

雙燕今朝至何時  
發海濱窺簷向人語

一作窺人  
向簷語

如道

故鄉春

徐安期

詩一首

催妝

傳聞燭

一作燈

下調紅粉明鏡臺前別作春不須面上

一作

滿面渾妝却留著雙眉待畫人

裴延

詩二首

隔壁聞奏伎

一作陳蕭琳詩

徒聞管弦切不見舞腰回賴有歌梁合塵飛一半來

詠翦花

花寒未聚蝶色豔已驚人懸知陌上柳應妒手中春

陳述

詩一首

歎美人照鏡

插花枝共動含笑靨俱生衫分兩處色

一作彩

釧響一邊

聲就中還妒影恐奪可憐名

朱琳

詩一首

開緘怨

夫婿邊庭久幽閨恨幾重玉琴知別日金鏡識愁容懶  
寄雲中服慵開海上封年年得衣慣且試莫裁縫

謝陶

詩一首

雜言

天不與人言禍福能自至水火雖活人暫不得即死蹈  
之焚斯須憑之溺容易水火與禍福豈有先言耳

何贊

詩一首

書事

果決生涯向路中西投知己話從容雲遮劍閣三千里  
水隔瞿塘十二峯濶步文翁坊裏月閒尋杜老宅邊松  
到頭須卜林泉隱自愧無能繼卧龍

解彥融

詩一首

鴈塔

開元八年清河傳  
巖題此詩於鴈塔

崢嶸徹倒景刻峭俯無地勇進攀有緣即峻恐迷墜  
窅然喪五蘊蠢爾懷萬類實際罔他尋波羅必可致  
南山繚上苑祇樹連巖翠北斗臨帝城扶宮切太清餐  
和禪



日用味道懿天明  
綠野冷風浹紫微  
佳氣晶駟禽演法  
要忍草藉經行本  
願從茲適方知物  
世輕

御定全唐詩卷七百六十九

欽定四庫全書薈要卷一萬八千一百七十五

集部

御定全唐詩卷七百七十

董初

詩一首

昭君怨

新年猶尚小那堪遠聘秦  
裾衫沾馬汗眉黛染胡塵  
舉眼無相識路逢皆異人  
唯有梅將李猶帶故鄉春

一作董思

恭詩

賀朝清

詩二首

南山

一作賀朝詩

湖北雨初晴  
湖南山盡見  
崑崙石帆影  
如得海風便  
仙穴茅山峯  
彩雲時一見  
邀君共探此  
異錄殘幾卷

賦得遊人久不歸

一作劉孝孫詩  
又作賀朝詩

鄉關眇天末  
引領悵懷歸  
羈旅久浮滯  
物色屢芳菲  
稍覺私意盡  
行看鬢鬢稀  
如何千里外  
佇立霑裳衣

楊衡

詩二首

白紵辭

此二首又見貞元進士揚衡  
集中詩紀詩所俱編入初唐

玉纓翠珮雜輕羅香汗微漬朱顏酡為君起唱白紵歌  
清聲裊雲思繁多凝笳哀琴時相和金壺半傾芳夜促  
梁塵霏霏暗紅燭今君安坐聽終曲墜葉飄花難再復  
躡珠履步瓊筵輕身起舞舞紅燭前芳姿艷態妖且妍迴  
眸轉袖暗催弦涼風蕭蕭漏一作水急月華泛溢紅蓮  
濕牽裙攬帶翻成泣

唐暄

詩三首

還渭南感舊二首

寢室悲長簾妝樓泣鏡臺獨悲桃李節不共一時

一作夜泉

開魂兮若有感髣髴夢中來  
常時華室靜笑語度更籌恍惚人事改冥漠委荒丘陽  
原歎薤露陰壑悼藏舟清夜妝臺月空想畫眉愁

贈亡妻張氏

澤陽桐半死延津劍一沈如何宿昔內空負百年心

李韶

詩一首

題司空山觀

梁代真人上紫微水盤山脚五雲飛松杉老盡無消息  
猶得千年一度歸

韋鵬翼

詩一首

戲題財貽壁

豈肯閒尋竹徑行却嫌絲管好蛙聲自從煮鶴燒琴後  
背却青山臥月明

安鴻漸

詩一首

題楊少卿書後

端溪石硯宣城管王屋松煙紫兔毫更得孤卿老書札  
人間無此五般高

李延陵

詩一首

自紫陽觀至華陽洞宿侯尊師草堂簡同遊

石林媚煙景句曲盤江甸南向佳氣濃峯峯遙隱見漸  
臨華陽口微路入葱蒨七曜懸洞宮五雲抱山殿銀函  
意誰發金液徒堪薦千載桃花春

一作空  
桃花

秦人深不見

東溪喜相遇貞白如會面青鳥來去閒紅霞朝夕變一

從化真骨萬里乘飛電  
蘿月延步虛松花醉閒宴  
幽人即長往茂宰應交戰  
明發歸琴堂知君嬾為縣

秦尚運

詩一首

題鍾雅青紗枕

陰香裝豔入青紗  
還與歌眠好事家  
夢裏却成山色雨  
沈山不敢鬪青華

張仲謀

詩一首

題搔口



嘗聞燒尾便拏空只過天門更一重大禹未生門未鑿  
可能天下總無龍

馮少吉

詩一首

山寺見揚少卿書壁因題其尾

少卿真跡滿僧居祇恐鍾王也不如為報遠公須愛惜  
此書書後更無書

殷陶

詩一首

經杜甫舊宅

浣花溪裏花多處為憶先生在蜀時萬古只應留舊宅  
千金無復換新詩沙棚水檻鷗飛盡樹壓村橋馬過時  
山月不知人事變夜來江上與誰期

羅炯

詩一首

行縣至浮查寺

一作羅  
炯詩

二十年前此布衣鹿鳴西上虎符歸行時賓從光前事  
到處松杉長舊園野老競遮官道拜沙鷗遙避隼旗飛  
春風一宿琉璃地自有泉聲愜素機

韓雄

詩一  
首

敕和元相公家園即事寄王相公

共列中台貴能齊物外心迴車青閣晚解帶碧芳深夜  
水隨畦入晴花度竹尋題詩更相應一字重千金

苗仲方

詩一  
首

仲秋太常寺觀公輅車拜陵

南宮初闕律金風已戒涼拜陵將展敬車輅儼成行士  
庶觀祠禮公卿習舊章郊原佳氣引園寢瑞煙長鹵簿

辭丹闕威儀列太常  
聖心何所寄惟德在無忘

陳嶰

詩一首

尋易尊師不遇

爛漫紅霞光照衣  
苔封白石路微微  
華陽洞裏何人在  
落盡松花不見歸

張起

詩二首

早過黎嶺喜雪書情呈崔判官

度嶺逢朝雪行看馬跡深  
輕標南國瑞寒慰北人心  
皎

潔停丹嶂飄飄映綠林共君歌樂土無作白頭吟

春情

畫閣餘寒在新年舊燕歸梅花猶帶雪未得試春衣

陳政 詩一首

贈竇蔡二記室入蜀

崑山積良寶大厦構衆材馬卿委官去鄒子背淮來風  
流信多美朝夕豫平臺逸翮獨不羣清才復道上六輔  
昔推名二江今振響英華雖外發磨琢終內朗四海奮

羽儀清風久播馳沈鬱林難厠青山翻易阻迴首望煙  
霞誰知慕儔侶飄然不繫舟為情自可求若奉西園夜  
浩想北園愁無因逐萍藻從爾泛清流

李建業

詩一首

採菊

簇簇竞相鮮一枝開幾畚味甘資麴蘗香好勝蘭蓀古  
道風搖遠荒籬露壓繁盈筐時採得服餌近知門

羅維

詩一首

水精環

王室符長慶環中得水精任圓循不極見素質仍貞信  
是天然瑞非因樸斲成無瑕勝玉美至潔過冰清未肯  
齊珉價寧同雜佩聲能銜任黃雀亦欲應時明

殷益

詩一首

看牡丹

擁毳對芳叢由來趣不同髮從今日白花是去年紅豔  
色隨朝露馨香逐晚風何須待零落然後始知空

李得詩一  
首

賦得垣衣

漠漠復霏霏為君垣上衣  
昭陽輦下草應笑此生非  
掩藹青春去蒼茫白露稀  
猶勝萍逐水流浪不相依

王邵詩一  
首

冬晚對雪憶胡處士

寒更傳唱晚清鏡覽衰顏  
隔牖風驚竹開簾雪滿山  
灑空深巷靜積素廣庭閒  
借問袁安舍脩然尚閉關



曹脩古

詩一首

池上

荷葉罩芙蓉  
圓青映嫩紅  
佳人南陌上  
翠蓋立春風

朱子真

詩一首

對趙穎歌

人間幾日變桑田  
誰識神仙洞裏天  
短促雖知有殊異

且須歡醉

一作笑

在生前

嚴郭

詩一首

賦百舌鳥

此禽輕巧少同倫我聽長疑舌滿身  
星未沒河先報曉柳猶粘雪便迎春  
頻嫌海燕巢難定却訝林鶯語不真  
莫倚清風更多事玉樓還有晏眠人

張子明

詩一首

孤雁

隻影翩翩下碧湘傍池鴛鴦宿銀塘  
雖逢夜雨迷深浦終向晴天著舊行  
憶伴幾回思片月蛻翎多為繫繁霜

江南塞北俱關念  
兩地飛歸是故鄉

李謹言

詩二首

水殿拋毬曲二首

侍宴黃昏曉未休  
玉階夜色月如流  
朝來自覺承恩最  
笑倩傍人認繡毬

堪恨隋家幾帝王  
舞裊採盡繡鴛鴦  
如今重到拋毬處  
不是金鑪舊日香

吳燭

詩一首

銅雀妓

秋色西陵滿綠蕪  
繁弦急管強歡娛  
長舒羅袖不成舞  
却向風前承淚珠

張保嗣

詩一首

戲示諸妓

綠羅裙上標三棒  
紅粉腮邊淚兩行  
抄手向前咨大使  
這回不敢惱兒郎

潘圖

詩一首

末秋到家

歸來無所利骨肉亦不喜黃犬却有情當門臥搖尾

潘佐

詩一首

送人往宣城

江畔送行人千山生暮氛謝安團扇上為畫敬亭雲

李逸

詩一首

洛陽河亭奉酬留守郡公追送

一作李益詩

離亭餞落暉臘酒減征衣歲晚煙霞重川寒雲樹微戎

裝千里至舊路十年歸還似汀洲雁相逢又背飛

沈麟

詩一首

送道士曾昭瑩

南北東西事人間會也無昔曾棲玉筍今也返玄都雪  
片隨天濶泉聲落石孤丹霄人有約去採石菖蒲

安鳳

詩一首

贈別徐侃

一自離鄉國十年在咸秦泣盡卞和血不逢一故人今

日舊友別羞此漂泊身離情吟詩處麻衣掩淚頻淚別  
各分袂且又來年春

李倫

詩一首

顧城

世久荒墟在白雲幾代耕市廛新草綠里社故煙輕不  
謹雁天討來蘇豈忿兵誰云殷鑒遠今古在人程

盧子發

詩一首

金錢花

輪廓休誇四字書紅窠寫出對庭除時時買得佳人笑  
本色金錢却不如

王夢周

詩一首

故白巖禪師院

能師還世名還在空閑禪堂滿院苔花樹不隨人寂寞  
數株猶自出牆來

孫咸

詩一首

題九天使者廟

又見識記卷



獨入玄宮禮至真，焚香不為賤貧身。  
秦淮兩岸沙埋骨，湓浦千家血染塵。  
廬阜煙霞誰是主，虎溪風月屬何人。  
九江太守勤王事，好放天兵渡要津。

李澣

詩一首

房公舊竹亭聞琴

石室寒飈警，孫枝雅器裁。  
坐來山水操，弦斷弔塵埃。

錢戲

詩一首

清溪館作

指途清溪裏左右唯深林雲蔽望鄉處雨愁為客心遇人多物役聽鳥時幽音何必滄浪水庶茲浣塵襟

韋道遜

詩一首

晚春宴

日斜賓館晚春輕麥候初簷暄巢幕燕池躍戲蓮魚石聲隨流響桐影傍巖疎誰能千里外獨寄八行書

王揆

詩一首

長沙六快詩

湖外風物竒長沙信難續衡峯排古青湘水湛寒綠舟  
楫通大江車輪會平陸昔賢官是邦仁澤流豐沃今賢  
官是邦刻啗人脂肉懷昔甘棠花傷今猛虎毒然此一  
郡內所樂人纔六漕與二憲僚守連兩通屬高堂日暮  
會深夜繼以燭幃幙皆綺紈器皿盡金玉歌喉若珠纍  
舞腰如素束千態與萬狀六人歡不足因成快活詩薦  
之堯舜目

王言史

詩一  
首

廣州王園寺伏日即事寄北中親友

南越逢初伏東林度一朝曲池煎畏景高閣絕微颺竹  
簟移先灑蒲葵破復搖地偏毛瘴近山毒火威饒裏汗  
絺如濯親牀枕並燒墮枝傷翠羽萎葉惜紅蕉且困流  
金熾難成獨酌謠望霖窺潤礎思吹候纖條旅恨生烏  
許鄉心繫浴橋誰憐在炎客一夕壯容銷

御定全唐詩卷七百七十

謹案卷七百六十九第七頁前四行紫荊花下轉

黃鸝按別本花下作枝上





總校官庶吉士臣張能照

校對官庶吉士臣翟槐

謄錄監生臣李真滋



欽定四庫全書薈要

集部

御定全唐詩卷七百七十一至

五

詳校官原任主事 李斯咏



欽定四庫全書  
養要卷一萬八千一百七十六

集部

御定全唐詩卷七百七十一

宋雍

一作邕詩二首以  
下爵里世次俱無考

春日

輕花細葉滿林端  
昨夜春風曉色寒  
黃鳥不堪愁裏聽  
綠楊宜向雨中看

失題

斜雨飛絲織晚風  
疎簾半捲野亭空  
荷花開盡秋光晚

零落殘紅綠沼中

戴休珽

詩一首

古意

窮秋朔風起滄海愁陰漲虜騎掠河南漢兵屯灞上羽  
書驚沙漠刁斗喧亭障關塞何蒼茫遙烽遞相望弱齡  
負竒節俠客多招訪投筆棄繻一作書生提戈逐飛將拔  
劍照霜白怒髮衝冠壯會立萬里功視君封侯相

盧鈺

詩一首

勗曹生

桑扈交飛百舌忙  
祖亭聞樂倍思鄉  
尊前有恨慚卑宦  
席上無繆愛艷妝  
莫為狂花迷眼界  
須求真理定心王  
遊蜂採掇何時已  
祇恐多言議短長

趙搏

詩二首

琴歌

綠琴製自桐孫枝  
十年窓下無人知  
清聲不與衆樂雜  
所以屈受塵埃欺  
七弦脆斷蟲絲朽  
辨別不曾逢好手

琴聲若似琵琶聲賣與時人應已久玉徽冷落無光彩  
堪恨鍾期不相待鳳轉吟幽鶴舞時撚弄錚鏦聲亦在  
向曾守貧貧不徹賤價與人人不別前迴忍淚却收來  
泣向秋風兩條血乃知凡俗難可名輕者却重重者輕  
真龍不聖土龍聖鳳皇啞舌鴟梟鳴何殊此琴哀怨苦  
寂寞沈埋在幽戶萬重山水不肯聽俗耳樂聞人打鼓  
知君立身待分義驅喝風雷在平地一生從事不因人  
健步穿雲皆自致不辭重拂弦上塵市塵不買多讒人

莫辭憔悴與買取為君一曲號青春

廢長行

辨其惑於無益之  
戲而不務恤民也

紫牙鏤合方如斗二十四星銜月口貴人迷此華筵中  
運木手交如陣鬪不算勞神運枯木且廢為官恤惇獨  
門前有吏嚇孤窮欲訴門深抱冤哭耳厭人催坐衙早  
纔聞此戲身先到理人似愛長行心天下安平多草草  
何當化局為明鏡挂在高堂辨邪正何當化子作筆鋒  
常在手中行法令莫令終日迷如此不治生民負天子

張安石

有涪江集一卷  
今存詩二首

玉女詞

綺薦銀屏空積塵  
柳眉桃臉暗銷春  
不須更學陽臺女  
為雨為雲趁惱人

苦別

向前不信別離苦  
而今自到別離處  
兩行粉淚紅闌干  
一朶芙蓉帶殘露

蔣吉

詩十  
五首

石城

繫纜石城下恣吟懷暫開  
江人撓艇子將謂莫愁來

漢東道中

九十九岡遙天寒雪未消  
羸童牽瘦馬不敢過危橋

高溪有懷

駐馬高溪側旅人千里情  
雁山山下水還作此泉聲

寄進士賈希

恨苦淚不落耿耿然  
東北心空囊與瘦馬羈  
紲意應深



出塞

瘦馬羸童行背秦暮鴉撩亂入殘雲  
北風吹起寒營角  
直至榆關人盡聞

旅泊

霜月正高鸚鵡洲美人清唱發紅樓  
鄉心暗逐秋江水  
直到吳山脚下流

次青雲驛

馬轉櫟林山鳥飛商溪流  
水背殘暉行人幾在青雲路

底事風塵猶滿衣

大庾驛有懷

一囊書重百餘斤  
郵吏寧知去計貧  
莫訝偏吟望鄉句  
明朝便見嶺南人

題商山修路僧院

此地修行山幾枯  
草堂生計只拚盂  
支郎既解除艱險  
試看人心平得無

題長安僧院

出門爭走九衢塵總是浮生不了身惟有水田衣下客  
大家忙處作閒人

次商於感舊寄盧中丞

昔年簪組隘丘門今日旌幢一院存何事商於淚如雨  
小儒偏受陸家恩

樵翁

獨入深山信脚行慣當驅虎不曾驚路傍花發無心看  
惟見枯枝刮眼明

四老廟

無端捨釣學干名不得溪山養性情  
自省此身非達者  
今朝羞拜四先生

昭君冢

曾為漢帝眼中人今作狂胡陌上塵  
身死不知多少載  
冢花猶帶洛陽春

聞歌竹枝

巡隄聽唱竹枝詞正是月高風靜時  
獨向東南人不曾

弟兄俱在楚江湄

周漬

詩四首

重門曲

憔悴容華怯對春  
寂寥宮殿鎖閒門  
此身却羨宮中樹  
不失芳時雨露恩

山下水

背雲衝石出深山  
淺碧泠泠一帶寒  
不獨有聲流出此  
會歸滄海助波瀾

逢鄰女

日高鄰女笑相逢  
慢束羅裙半露胸  
莫向秋池照綠水  
參差羞殺白芙蓉

廢宅

牢落畫堂空鎖塵  
荒涼庭樹暗消春  
豪家莫笑此中事  
曾見此中人笑人

全唐詩卷七百七十一

卷七百七十一

御定全唐詩卷七百七十一

欽定四庫全書薈要卷一萬八千一百七十七

集部

御定全唐詩卷七百七十二

趙起

詩一首 以下無  
世次爵里可考

奉和登會昌山應制

一作錢  
起詩

睿想入希夷真游到具茨玉鸞登嶂遠雲輅出花遲泉  
壑凝神處陽和布澤時六龍多順動四海正雍熙

王瓚

詩二  
首

冬日與羣公泛舟焦山



江外水

一作水初

不凍今年寒復遲衆芳且未歇近臘仍裊

衣載酒適我情興來趣漸微方舟大川上環酌對落暉

兩片青石稜波際無因依三山安可到欲到風引歸滄

溟壯觀多心目豁暫時況得窮日夕乘槎何所之

縱步不知遠夕陽猶未回好花隨處發流水趁人來

慕容韋

詩一首

度揭鴻嶺

漳州

閩越曾為塞將軍舊置營我歌空感慨西北望神京

黃文詩一

首

湘江

瀟湘江頭三月春  
柳條弄日搖黃金  
鷓鴣一聲在何許  
黃陵廟前煙靄深  
丹青欲畫無好手  
穩提玉勒沈吟久  
馬蹄不為行客留心  
挂長林屢回首

唐溫如詩一

首

題龍陽縣青草湖

西風吹老洞庭波  
一夜相君白髮多  
醉後不知天在水

滿船清夢壓星河

歐陽賓

一作賸  
詩一首

訾家洲

舊業分明桂水頭  
人歸業盡水東流  
春風日暮江頭立  
不及漁人有釣舟

何敬

詩一首

題吉州龍溪

龍溪之山秀而峙  
龍溪之水清無底  
狂風激烈翻春濤

薄霧冥濛溢清泚奔流百折銀河通落花滾滾浮霞紅  
四時佳境不可窮彷彿直與桃源通

楊昇

詩一首

過睦州青溪渡

天濶銜江雨冥冥上客衣潭清魚可數沙晚鴈爭飛川  
谷留雲氣鵜鶘傍釣磯飄零江海客歌劍一帆歸

裴瑤

詩一首

闔閭城懷古

五湖春水接遙天國破君亡不記年惟有妖娥曾舞處  
古臺寂寞起愁煙

鄭玉

詩一首

葦谷

水會三川漾碧波雕陰人唱採花歌舊時白翟今荒壤  
葦谷淒淒風雨多

麻温其

詩一首

登岳陽樓

湖邊景物屬秋天樓上風光似去年仙侶緱生留福地  
湘娥帝子寄哀弦雲門自統軒臺外木葉偏飛楚客前  
極目江山何處是一帆萬里信歸船

韋鎰

詩一首

經望湖驛

大漠無屯雲孤峯出亂柳前驅白登道顧失飛狐口遙  
憶代王城俯臨恒山後纍纍多古墓寂寞為墟久豈不  
固金湯終聞擊銅斗交權初仗信接讌翻貽咎埋寶賊

夫人磨笄傷彼婦功成行且薄義立名不朽莫慎纖微  
端其何社稷守身歿國遂亡此立人君醜

謝太虛

詩一首

杪秋洞庭懷王道士

漂泊日復日洞庭今更秋青桃亦何意此夜催人愁惆  
悵客中月裴回江上樓心知楚天遠目送滄波流謝客  
久已滅微言無處求空餘白雲在客興隨孤舟千里香  
難盡一身常獨游故園復何許江漢徒遲留

周岳秀

詩一首

君山祠

萬頃湖波浸碧天  
旌封香火幾千年  
風濤彭湃魚龍舞  
棟宇崢嶸燕雀遷  
遠岫光中濃淡樹  
斜陽影裏往來船  
江河願借吹噓便  
應有神功在目前

馬逢

詩五首

新樂府

溫谷春生至宸遊  
近甸榮雲隨天上  
轉風入御筵輕翠



蓋浮佳氣未樓依  
太清朝臣冠劍退  
宮女管弦迎

部落曲

蕃軍傍塞遊  
代馬噴風秋  
老將垂金甲  
闕支著錦裘  
瑯戈蒙豹尾  
紅旆插狼頭  
日暮天山下  
鳴笳漢使愁

從軍

漢馬千蹄合一羣  
單于鼓角隔山聞  
沙迥風起紅樓下  
飛上胡天作陣雲

宮詞二首

一作顧  
况詩

金吾持戟護軒簷  
天樂傳教萬姓瞻  
樓上美人相倚看  
紅妝透出水晶簾

玉樓天半起笙歌  
風送宮人笑語和  
月影殿開聞曉漏  
水晶簾捲近秋河

御定全唐詩卷七百七十二

欽定四庫全書蒼要卷一萬八千七十八

集部

御定全唐詩卷七百七十三

蕭意

詩一首 以下  
見玉臺後集

長門失寵

自從別鑿殿長門幾度春不知金屋裏更貯若為人

徐之才

詩一首

下山逢故夫

踟躕下山婦共申別離久為問織縑人何必長相守

張陵

詩一首

虜患

今日漢家探使迴  
蟻疊胡兵來未歇  
春風渭水不敢流  
總作六軍心上血

蔡瓌

詩一首

夏日閨怨

桃徑李蹊絕芳園  
炎氛熾日滿愁軒  
枝上鳥驚朱槿落  
池中魚戲綠蘋翻  
君戀京師久留滯  
妾怨高樓積年歲

非關曾入楚王宮直為相思腰轉細臥簟乘閒乍逐涼  
熏爐畏熱懶焚香雨霑柳葉如啼眼露滴蓮花似汗妝  
全由獨自羞看影豔是孤眠疑夜永無情拂鏡不成妝  
有時却扇還風靜近日書來道欲歸鴛鴦文錦字息機  
但恐愁容不相識為教恒著別時衣

唐怡

詩二首

詠破扇

輪如明月盡羅似薄雲穿無由重掩笑分在秋風前

述懷

萬事皆零落平生不可思  
惟餘酒中趣不減少年時

潘求仁

詩一首

詠燭寄人

燭與人相似通宵遽白煎  
不應須下淚祇是為人然

閻德隱

詩二首

薛王花燭行

第三句  
缺六字

王子仙車下鳳臺  
紫纓金勒馭龍媒

出

環佩鏘鏘天上來  
鳩鵲樓前雲半捲  
鴛鴦殿上月裴回  
玉盤錯落銀燈照  
珠帳瓊籠寶扇開  
盈盈二八誰家子  
紅粉新妝勝桃李  
從來六行比齊姜  
自許千門奉楚王  
楚王宮裏能服飾  
顧盼傾城復傾國  
合歡錦帶蒲萄花  
連理香囊石榴色  
金爐半夜起氛氲  
翡翠被重蘇合熏  
不學曹王遇神女  
莫言羅敷邀使君  
同心婉婉若琴瑟  
更笑天河有靈匹  
一朝福履盛王門  
百代光輝增帝室  
富貴榮華實可憐  
路傍觀者謂神仙  
祇應早得淮南術



會見雙飛入紫煙

三月歌

洛陽城路九春衢  
洛陽城外柳千株  
能得來時作眼覓  
天津橋側錦屠蘇

劉元叔

一作淑  
詩一首

妾薄命

自從離別守空閨  
遙聞征戰赴

一作起

雲梯夜夜思君遠

海北年年棄

一作拋

妾渭橋西陽春  
白日照空暖紫燕銜

紅一作

花向庭滿彩鸞琴裏怨聲多飛鵲鏡前妝梳

一作顏色

斷誰家夫婿不從征應是漁陽別有情莫道紅顏燕地

少家家還似洛陽城旦

一作且

逐新人殊未歸還令秋至

夜霜飛北斗星前橫旅

一作度

鴈南樓月下擣寒衣夜

一作

更

深聞鴈腸欲絕獨坐縫衣燈又滅

一作獨處挑燈燈復滅

暗啼

羅帳空自憐夢度陽關向誰說每憐容貌宛如神如何  
薄命不如人待君朝夕燕山至好作明年楊柳春

常理

詩二首

古別離

君御狐白裘妾居湘綺幃粟鈿金夾膝花錯玉搔頭離  
別生庭草征衣斷成樓蠨蛸網清曙菑菑落紅秋小膽  
空房怯長着滿鏡愁為傳兒女意不用遠封侯

妾薄命

十五玉童色雙蛾青鸞鸞鳥銜櫻桃花此時刺繡閒嬌  
小恣所愛誤人金指環豔花句引落滅燭屏風闕妾怕  
愁中畫君偷薄裏還初謂來心平若案誰知別意險如

山乍啼羅袖嬌遮面不忍看君莫惜顏

馮待徵

詩一首

虞姬怨

第二十句  
缺三字

妾本江南采蓮女君是江東學劍人逢君游俠英雄日  
值妾年華桃李春年華灼灼豔桃李結髮簪花配君子  
行逢楚漢正相持辭家上馬從君起歲歲年年事征戰  
侍君帷幙損紅顏不惜羅衣沾馬汗不辭紅粉著刀環  
相期相許定關中鳴鑿鳴佩入秦宮誰誤四面楚歌起

果知五星漢道雄天時人事有興滅智窮計屈心摧折  
澤中馬力先戰疲帳下蛾眉

君王是日無神彩

賤妾此時容貌改拔山意氣都已無渡江面目今何在  
終天隔地與君辭恨似流波無息時使妾本來不相識  
豈見中途懷苦悲

冷朝光

詩一首

越谿怨

越王宮裏如花人越水谿頭采白蘋白蘋未盡人先盡

誰見江南春復春

衛萬

詩一首

吳宮怨

君不見吳王宮閣臨江起  
不見珠簾見江水  
曉氣晴來  
雙闕間潮聲夜落千門裏  
句踐城中非舊春  
姑蘇臺下  
一作  
上起黃塵祇今唯有西江月  
曾照吳王宮裏人

李章

詩一首

春游吟

初春徧芳甸十里藹盈矚美人摘新英步步翫春綠所  
思杳何處宛在吳江曲可憐不得共芳菲日暮歸來淚  
滿衣

王沈

詩一首

婕妤怨

長信梨花暗欲棲應門上鑰草萋萋春風吹花亂撲戶

一作石

斑絕車聲不至啼

王偃

詩二首

夜夜曲

北斗星移銀漢低  
班姬愁思鳳城西  
青槐陌上行人絕  
明月樓前烏夜啼

明君詞

北望單于日半斜  
明君馬上泣胡沙  
一雙淚滴黃河水  
應得東流入漢家

李暇

詩五首

擬古東飛伯勞歌



秦王龍劍燕后琴珊瑚寶匣鏤雙心誰家女兒抱香枕

開衾滅燭願侍寢瓊窓半上金鏤幃輕羅掩

一作隱

面不

遮

一作障

羞青綺幃

一作帳

中坐相憶紅鸞鏡裏見愁色簷

花照月鶯對棲空將可憐暗中啼

怨詩三首

羅敷初總髻蕙芳正嬌小月落始歸船春眠恒著曉

何處期郎遊小苑花臺間相憶不可見且復乘月還

別前花照路別後露垂葉歌舞須及時如何坐悲妾

碧玉歌

碧玉上官妓出入千花林珠被玳瑁牀感郎情意深

李播

詩一首

見美人聞琴不聽

洛浦風流雪陽臺朝暮雲聞琴不肯聽似妬卓文君

辛弘智

詩三首

賦詩

談賓錄云弘智在國子監賦此詩同房常定宗改始字為轉字爭之為已作同下牒

見博士羅道琮判云昔五字定表以理切稱奇今一言競詩取詞多為主詩歸弘智轉還定宗

以狀牒知  
任為公驗

君為河邊草逢春心剝生妾如臺上鏡得照始分明

自君之出矣

樂府詩集作李康成詩按康成撰玉臺後集以此首為弘智作康成

別有

一作

自君之出矣梁塵靜不飛思君如滿月夜夜減容輝

又

見吟窓雜錄

自君之出矣寶鏡為誰明思君如隴水常聞嗚咽聲

御定全唐詩卷七百七十三

欽定四庫全書薈要卷一萬八千一百七十九

集部

御定全唐詩卷七百七十四

吉師老

詩四首 以下世次爵里俱無考

題春夢秋歸故里

一本無秋歸故里四字

故國歸路賒春晚在天涯  
明月夜來夢碧山秋到家  
開窓聞落葉遠墅見晴鴉  
驚起曉庭際鶯啼桃杏花

看蜀女轉昭君變

妖姬未著石榴裙  
自道家連錦水濱  
檀口解知千載事

清詞堪歎九秋文翠看頻處楚邊月畫卷開時塞外雲  
說盡綺羅當日恨昭君傳意向文君

放援

放爾千山萬水

一作里

身野泉晴樹好為鄰啼時莫近

一作

向瀟湘岸明月孤舟有旅人

鴛鴦

江島濛濛煙靄微綠蕪深處刷毛衣渡頭驚起一雙去  
飛上文君舊錦機

吳商浩

詩九首

巫峽聽猿

巴江猿嘯苦響入客舟中孤枕破殘夢三聲隨曉風連  
雲波澹澹和霧雨濛濛巫峽去家遠不堪魂斷空

長安春贈友人

繁華堪泣帝城春粉堞青樓勢礙雲花對玉鉤簾外發  
歌飄塵土路邊聞幾多遠客魂空斷何處王孫酒自醺  
各有歸程千萬里東風時節恨離羣

塞上即事

身似星流跡似蓬  
玉關孤望杳溟濛  
寒沙萬里平鋪月

曉角一聲高捲

一作繞

風戰士歿邊魂尚哭  
單于獵處火

一作燒

猶紅分明更想殘宵夢  
故國依然在

一作到

角東

宿山驛

文戰何堪功未圖  
又驅羸馬指天衢  
露華凝夜渚蓮盡

月彩滿輪山驛孤  
岐路辛勤終日有  
鄉關音信隔年無

好同

一作乘

范蠡扁舟興高挂  
一帆歸五湖

北邙山

北邙山草又青青今日銷魂事可明  
綠酒醉來春未歇  
白楊風起柳初晴岡原旋葬松新長  
年代無人闕半平  
堪取金爐九還藥不能隨夢向浮生

秋塘曉望

鐘盡疎桐散曙鴉故山煙樹隔天涯  
西風一夜秋塘曉  
零落幾多紅藕花

水樓感事



高柳蟹啼雨後秋年光空感淚如流滿湖菱荇東歸晚  
閒倚南軒盡日愁

泊舟

身逐煙波魂自驚木蘭舟上一帆輕雲中有寺在何處  
山底宿時聞磬聲

湘雲

首句缺一字

滿湘江雲瑩空紛紛長對水溶溶日西遙望自歸處  
盡挂九疑千萬峯

沈祖仙

一作山  
詩一首

秋閨

白馬三軍客青娥十載思  
玉庭霜落夜羅幌月明時  
鑪冷蜘蛛喜燈高一作寒  
熠燿期愁多不可曙  
流涕坐空幃

邵士彥

詩一首

秋閨

斜日空庭暮幽閨積恨盈  
細風吹帳冷微月度窗明  
怨坐啼相續愁眠夢不成  
調琴欲有弄畏作斷腸聲

吳大江

詩一首

擣衣

沙塞秋應晚金閨恨已空  
那堪裂紈素時許出房櫳  
杵影弄寒月砧聲調夜風  
裁縫雙淚盡萬里寄雲中

荆叔

詩一首

題慈恩塔

漢國山河在秦陵草樹深  
暮雲千里色無處不傷心

蕭靜

詩一首

三湘有懷

柳絮飛來別洛陽  
梅花落後到三湘  
世情已逐浮雲散  
離恨空隨江水長

元稹

詩二首

九日對酒

嘉辰復遇登高臺  
良朋笑語傾金罍  
煙攤秋色正堪翫  
風惹菊香無限來  
未保亂離今日後  
且謀歡洽玉山頽  
誰知靖節當時事  
空學狂歌倒載迴

中秋夜不見月

蟾輪何事色全微  
賺得佳人出繡幃  
四野霧凝空寂寞  
九霄雲鎖絕光輝  
吟詩得句翻停筆  
翫處臨尊却掩扉  
公子倚欄猶悵望  
嬾將紅燭草堂歸

徐振

詩二首

雷塘

九重城闕悲涼盡  
一聚園林怨恨長  
花憶所為猶自笑  
草知無道更應荒  
詩名占得風流在  
酒興催教運祚亡

若問皇天惆悵事只應斜日照雷塘

古意

擾擾都城曉又昏六街車馬五侯門箕山渭水空明月  
可是巢由絕子孫

張佺

詩一首

寄人

酷憐風月為多情還到春時別恨生倚柱尋思倍惆悵  
一場春夢不分明

方澤

詩一首

武昌阻風

江上春風留客舟，無窮歸思滿東流。  
與君盡日閒臨水，貪看飛花忘却愁。

景池

詩一首

秋夜宿淮口

露白草猶青，淮舟倚岸停。  
風帆幾處客，天地兩河星。  
樹靜禽眠草，沙寒鹿過汀。  
明朝誰結伴，直去泛滄溟。

張鴻

詩一  
首

贈喬尊師

長忌時人識有家雲澗深  
性惟耽嗜酒貧不破除琴靜  
鼓三通齒頻湯一味參知師  
最知我相引坐檉陰

姚揆

詩二  
首

村行

天淡雨初晴遊人恨不勝  
亂山啼蜀魄孤擢宿巴陵  
影暗村橋柳光寒水寺燈  
罷吟思故國窗外有漁罾



穎川客舍

素琴孤劍尚閒遊，誰共芳尊話唱酬。  
鄉夢有時生枕上，客情終日在眉頭。  
雲拖雨脚連天去，樹夾河聲繞郡流。  
回首帝京歸未得，不堪吟倚夕陽樓。

王訓

詩一首

獨不見

日晚宜春暮，風軟上林朝。  
對酒近初節，開樓蕩夜謠。  
石橋通小澗，竹路上青霄。  
持底誰見許，長愁成細腰。

張熾

詩一首

歸去來引

歸去來歸期不可違  
相見旋明月浮雲共我歸

虞羽客

詩一首

結客少年場行

幽并俠少年金絡控連錢  
竊符方救趙擊筑正懷燕  
輕生辭鳳闕揮袂上祈連  
陸離橫寶劍出沒驚征旃  
蒙輪恒顧敵超乘忽一作總爭先  
摧枯逾百戰拓地遠三千骨

都魂已散樓蘭首復傳龍城含宿霧瀚海接一作遙天

隅

歌吹金微返振旅玉門旋烽火今已息非復照甘泉

鄭渥

詩二首

塞上

出門何處問西東指畫翻為語論同到此客頭潛覺白  
未秋山葉已飄紅帳前影落傳書鴈日下聲交失馬翁  
早晚回鞭復南去大衣高蓋漢鄉風

洛陽道

客亭門外路東西多少喧騰事不齊楊柳惹鞭公子醉  
苧麻掩淚魯人迷通宵塵土飛山月是處經營夾御堤  
頃刻知音幾存歿半回依約認輪蹄

御定全唐詩卷七百七十四